

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

RJEŠENJE

Po Zahtjevu za pokretanje postupka privrednog subjekta UNIS"ENERGETIKA"d.o.o Sarajevo

Sarajevo
juni, 2010. godine



Broj: 01-03-26-040- 42-II/09
Sarajevo: 22.06.2010. godine

Na osnovu člana 42. tačka g), a u vezi sa članom 10. stav (2) tačka a) i c) Zakona o konkurencij («Službeni glasnik BiH», br. 48/05 , 76/07 i 80/09), i članom 105. Zakona o upravnom postupku („Službeni glasnik BiH“, br. 29/02, 12/04 i 88/07) u postupku pokrenutom na osnovu Zahtjeva za pokretanje postupka utvrđivanja zloupotrebe dominantnog položaja podnesenog od privrednog subjekta UNIS «ENERGETIKA» d.o.o Sarajevo, Zmaja od Bosne 14, 71 000 Sarajevo, Bosna i Hercegovina , zastupanog po advokatu Začiragić Feđadu, Đoke Mazalića do broja 2, 71 000 Sarajevo, Bosan i Hercegovina , protiv privrednog subjekta „Sarajevogas» d.o.o. Sarajevo, Muhameda ef. Pandže 4, 71 000 Sarajevo, Bosna i Hercegovina, Konkurencijsko vijeće, na 107. (stosedmoj) sjednici održanoj dana 22.06.2010. godine, je donijelo

R J E Š E N j E

1. Odbija se Zahtjev privrednog subjekta UNIS «ENERGETIKA» d.o.o Sarajevo, Zmaja od Bosne 14, 71000 Sarajevo za utvrđivanje zloupotrebe dominantnog položaja privrednog subjekta „Sarajevogas» d.o.o Sarajevo, Muhameda ef. Pandže 4, 71000 Sarajevo, iz člana 10. stav a) i c) Zakona o konkurenciji, kao neosnovan.
2. Odbija se zahtjev privrednog subjekta UNIS «ENERGETIKA» d.o.o Sarajevo za naknadu troškova ovog postupka, kao neosnovan.
3. Ovo Rješenje je konačno i biće objavljeno u «Službenom glasniku BiH», službenim glanicima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je dana 30.10.2009. godine, u smislu člana 28. Zakona o konkurenciji (u daljem tekstu: Zakon), zaprimilo pod brojem: 01-03-26-040-II/09 Zahtjev za pokretanje postupka privrednog subjekta UNIS «ENERGETIKA» d.o.o Sarajevo, Zmaja od Bosne 14, 71 000 Sarajevo, Bosna i Hercegovina,(u daljem tekstu: Podnosilac zahtjeva ili UNIS «ENERGETIKA»), podnesen po punomoćniku advokatu Začiragić Feđadu, Đoke Mazalića do broja 2, 71 000 Sarajevo, Bosan i Hercegovina, u kojem se traži od Konkurncijskog vijeća da pokrene postupak protiv privrednog subjekta «Sarajevogas» d.o.o Sarajevo, Muhameda ef. Pandže 4, 71 000 Sarajevo, Bosna i Hercegovina (u daljem tekstu: »Sarajevogas»), zbog utvrđivanja zloupotrebe dominantnog položaja iz člana 10. stav (2). tačka a) i c) Zakona.

Budući da je Zahtjev bio nepotpun i nejasan u dijelu koji se odnosi na povrede propisa o zaštiti tržišne konkurencije, odnosno zloupotrebe dominantnog položaja ,Konkurencijsko vijeće je dopisom broj: 01-03-26-040-1-II/09 od 10.11.2009.godine, od Podnosioca zahtjeva

tražilo dostavljanje dodatne dokumentacije i detaljan opis činjeničnog stanja i prakse ili okolnosti koje su razlog za podnošenje Zahtjeva, u smislu člana 28. stav (1) tačka c) Zakona. Podnosilac zahtjeva je dostavio Konkurencijskom vijeću u ostavljenom roku, odgovor i traženu dokumentaciju broj 01-03-26-040-2-II/09 od 18.11.2009.godine.

Konkurencijsko vijeće je dana 30.11.2009. godine dopisom broj: 01-03-26-040-3-II/09 Podnosiocu zahtjeva izdalo Potvrdu o prijemu urednog i kompletnog zahtjeva, u smislu člana 28. stav (3) Zakona.

Stranke u postupku

Stranke u postupku su privredni subjekt UNIS «ENERGETIKA» d.o.o Sarajevo, Zmaja od Bosne 14, 71000 Sarajevo, i privredni subjekt KJKP «Sarajevogas» d.o.o Sarajevo, Muhameda ef. Pandže 4, Sarajevo.

Privredni subjekt UNIS «ENERGETIKA» d.o.o Sarajevo

Privredni subjekt Društvo sa ograničenom odgovornošću UNIS «ENERGETIKA», Zmaja od Bosne 14, 71000 Sarajevo (skraćeni sudski naziv firme: UNIS «ENERGETIKA», d.o.o. Vogošća) je registrovan u Opštinskom sudu u Sarajevu pod matičnim brojem: (*), sa osnovnim kapitalom od (*) KM. Pretežne registrovane djelatnosti su proizvodnja termoelektrične, nuklearne i električne energije, distribucija i prodaja električne energije, distribucija i prodaja gasovitih goriva distributivnom mrežom, proizvodnja i snabdjevanje parom i toplom vodom.

Privredni subjekt KJKP «Sarajevogas» d.o.o Sarajevo

Privredni subjekt Kantonalno javno komunalno preduzeće za snabdjevanje prirodnim gasom «Sarajevogas» d.o.o Sarajevo, Muhameda ef. Pandže 4, 71 000 Sarajevo (skraćeni sudski naziv: KJKP „Sarajevogas“ d.o.o. Sarajevo) je registrovan u Opštinskom sudu Sarajevo (matični broj subjekta: (*), osnovano od strane Kantona Sarajevo, sa osnovnim kapitalom (*) KM, i pretežnom djelatnošću: proizvodnja gasa, distribucija gasovitih goriva distribucijskom mrežom; Postavljanje instalacija za vodu, gas, grijanje, ventilaciju i hlađenje; izgradnja objekata niskogradnje; održavanje objekata visokogradnje, niskogradnje i njihovih dijelova.

Pravni okvir predmetnog postupka

Konkurencijsko vijeće u postupku je primjenilo odredbe Zakona, Odluke o utvrđivanju relevantnog tržišta («Službeni glasnik BiH», broj 18/06), Odluke o definisanju kategorija dominantnog položaja («Službeni glasnik BiH», broj 18/06). Konkurencijsko vijeće u predmetnom postupku je uzelo u obzir i odredbe Zakona o komunalnim djelatnostima Kantona Sarajevo („Službene novine Kantona Sarajevo“ br. 31/04)

Zahtjev za pokretanje postupka

Zahtjev za pokretanje postupka je podnesen od privrednog subjekta UNIS „ENERGETIKA“, u skladu sa članom 27. Zakona, radi utvrđivanja sprječavanja, ograničavanja ili narušavanja slobodne tržišne konkurencije zloupotrebom dominantnog položaja direktnim ili indirektnim nametanjem nelojalnih kupovnih ili prodajnih cijena ili drugih trgovinskih uslova kojima se ograničava konkurencija i primjenom različitih uslova za istu ili sličnu vrstu poslova s ostalim stranama, čime ih dovodi u neravnopravan konkurentski položaj od strane privrednog subjekta „Sarajevogasa“ u smislu člana 10. stav (2) tačka a) i c) Zakona.

Podnosilac zahtjeva, privredni subjekt UNIS „ENERGETIKA“, u bitnom navodi sljedeće: Upravni odbor privrednog subjekta Sarajevogasa je na sjednici održanoj 02.04.2002. godine donio nezakonitu i pravno neobavezujuću Odluku o utvrđivanju cijene distribucije gasa (u daljem tekstu: Odluka) na koju je Vlada Kantona Sarajevo dala svoju saglasnost Odlukom o davanju saglasnosti broj: 02-05-22020-10/02 21. novembar 2002 godine.

Odlukom Upravnog odbora privrednog subjekta Sarajevogasa, od 02.04.2002. godine, utvrđuje se prosječna cijena distribucije gasa prema kategorijama potrošača koji su razvrstani u četiri kategorije i to : domaćinstva, toplane, mala privreda i veliki potrošači.

Podnosilac zahtjeva ističe da pomenute Odluke nisu pravno valjane s obzirom da prema članu 23. stav 5. Zakona o Komunalnim djelatnostima Kantona Sarajevo (u daljem tekstu: Zakon o komunalnim djelatnostima), cijenu svih komunalnih usluga određuje i usvaja Vlada Kantona Sarajevo. U ovom slučaju nije ispoštovana procedura predviđena članom 23. Zakona o komunalnim djelatnostima Kantona Sarajevo, niti je Vlada Kantona Sarajevo ikada donijela pravno obavezujući akt o visini cijena komunalnih usluga privrednog subjekta Sarajevogasa, to Podnosilac zahtjeva smatra da privredni subjekt Sarajevogas potpuno samovoljno i bez ikakvih kriterija određuje veće cijene svojih usluga Podnosiocu zahtjeva u odnosu na cijenu koju za iste usluge naplaćuje od privrednog subjekta KJKP Toplane“ Sarajevo.

Navedenom Odlukom privredni subjekt KJKP «Toplane Sarajevo» je svrstan u kategoriju Toplane čija cijena distribucije gasa iznosi 0,07 KM/Sm³, dok je Podnosilac zahtjeva svrstan u kategoriju Veliki potrošači čija cijena distribucije gasa iznosi 0,20 KM/Sm³, iako Podnosilac zahtjeva obavlja istu djelatnost kao i privredni subjekt KJKP „Toplane“ Sarajevo.

Od donošenja Odluke, Podnosilac zahtjeva se nekoliko puta obraćao privrednom subjektu Sarajevogas kako bi se uvrstio u istu kategoriju kao i privredni subjekt KJKP „Toplane“ Sarajevo, ali se u odgovoru na postavljene zahtjeve privrednog subjekta Sarajevogas izjasnio kao nenadležan. Takođe, Podnosilac zahtjeva se obraćao Ministarstvu prostornog uređenja i zaštite okoliša Kantona Sarajevo koje se oglasio nenadležnim navodeći da članom 23. Zakona o komunalnim djelatnostima Kantona Sarajevo validnost kalkulacija i konačan prijedlog visine cijene komunalne usluge utvrđuje nezavisno stručno tijelo Vlade Kantona Sarajevo, a stvarnu cijenu komunalne usluge određuje i usvaja Vlada Kantona.

Konkurencijsko vijeće je na osnovu Zahtjeva, u smislu člana 32. stav (2) Zakona, na 104. (stočetvrtoj) sjednici, održanoj dana 01.12.2009. godine donijelo Zaključak o pokretanju postupka, broj: 01-03-26-040-5-II/09, protiv privrednog subjekta Sarajevogas radi zloupotrebe dominantnog položaja u smislu člana 10. stav a) i c) Zakona (u daljem tekstu: Zaključak). Konkurencijsko vijeće je dana 01.12.2009. godine dostavilo Zahtjev broj: 01-03-26-040-II/09 i Zaključak broj: 01-03-26-040-5-II/09, u skladu sa članom 33. stav (1) Zakona, privrednom subjektu Sarajevogas na odgovor.

Privredni subjekt Sarajevogas je dostavio odgovor na Zahtjev i Zaključak u ostavljenom vremenskom roku, u smislu člana 33. stav (2) i (3) Zakona (podnesak broj: 01-03-26-040-12-II/09 od dana 11.12.2009.godine), navodeći u istom sljedeće:

- da je Odluka Upravnog odbora od 02.04.2002 godine pravno valjana i da se zasniva na Odluci o preuzimanju prava osnivača javnog komunalnog preduzeća „Sarajevogas“ od 14.06.1997. godine, dok je Zakon o komunalnim djelatnostima („Službeni novine Kantona Sarajevo“ br. 31/04) počeo da se primjenjuje u odnosu na na ovu odluku 1 godinu i 10 mjeseci kasnije, odnosno 30.12.2004. godine.

- Odluka o utvrđivanju cijene distribucije gasa u stavu 1. tačka III potvrđuje da je donijeta na prijedlog Vlade Kantona Sarajevo, a po donošenju dala je saglasnost na istu („Službene novine Kantona Sarajevo“ br. 27/02 od 28.11.2002). Osim toga navode da je do do izmjene osnivačkog akta odlukom Skupštine Kantona Sarajevo od 03.09.2009. godine Vlada Kantona obavljala funkciju organa upravljanja Skupštine Sarajevogasa.

-navode da je prema važećem Zakonu o komunalnim djelatnostima („Službeni novine Kantona Sarajevo“ br. 31/04) propisano da su komunalne djelatnosti od javnog interesa i da se obavljaju kao javne službe, a da njihovo obavljanje u okviru svojih nadležnosti obezbjeđuje Kanton, Grad i općina. Također se ističe da komunalne djelatnosti, ako za to postoje tehnološki i ekonomski uslovi, istovremeno može obavljati više subjekata koji djeluju posredstvom različitih statusnih i ugovornih oblika, uz saglasnost Kantona, Grada, odnosno općine, uz ispunjenje propisanih uslova za obavljanje komunalne usluge o čemu se izdaje odgovarajuće uvjerenje.

Prema navedenom privredni subjekt „Sarajevogas“ predlaže da Konkurencijsko vijeće Zahtjev za utvrđivanje zloupotrebe dominantnog položaja podnesen od strane privrednog subjekta UNIS“ENERGETIKA“, odbije kao neosnovan.

Budući da se radi o postupku sa strankama sa suprotnim interesima, te u svrhu pružanja mogućnosti strankama da se izjasne o činjenicama i okolnostima koje su od važnosti za donošenje konačnog rješenja, Konkurencijsko vijeće je zakazalo usmenu raspravu, dana 22.03.2010 godine, ali je ista na zahtjev stranke u postupku odgođena. Usmena rasprava je održana 15.04.2010. godine na kojoj su stranke istakle sljedeće:

Na usmenoj raspravi podnosilac zahtjeva je ostao kod Zahtjeva i posebno istakao da privredni subjekt „Sarajevogas“ svoj diskriminatorski odnos prema privrednom subjektu „Unis“ Energetici u odnosu na privredni subjekt KJKP „Toplane“ Sarajevo zasniva na proizvoljnom tumačenju Odluke o utvrđivanju cijene distribucije zemnog gasa od 02.04.2002. godine, na koju se u svom postupanju privredni subjekt „Sarajevogas“ poziva. Prema tumačenju Odluke, privredni subjekt „Sarajevogas“ u kategoriju „toplane“ može svrstati samo privredni subjekt KJKP „Toplane“ Sarajevo, iako je iz teksta te Odluke potpuno jasno da se kategorija potrošača „Toplane“ odnosi na sve one koji se bave proizvodnjom i distribucijom toplotne energije krajnjim potrošačima u Kantonu Sarajevo. Po mišljenju privrednog subjekta Unis „Energetika“ za ovakvo postupanje privrednog subjekta Sarajevogasa ne postoji zakonski osnov, a pogotovo što privrednom subjektu Sarajevogasu nije datao pravo da samostalno tumači ko spada u pojedine kategorije.

S obzirom na gore navedeno, dakle privredni subjekt Unis Energetika smatra da privredni subjekt Sarajevogas potpuno nezakonito i arbitražno određuje cijenu svojih usluga prema vlastitom nahodjenju i vlastitom tumačenju na koje zakonom nije ovlašten.

Punomoćnik privrednog subjekta Sarajevogasa je istakao da ostaje kod odgovora na Zahtjev i posebno naglasio da je Odluka o utvrđivanju cijene distribucije gasa donijeta 02.04.2002. godine, a Zakon o komunalnim djelatnostima je donešen 02.12.2004. godine. Nakon donošenja Odluke, a prije stupanja na snagu Zakona o komunalnim djelatnostima Upravni Odbor privrednog subjekta Sarajevogasa je donio Odluku o utvrđivanju posebne kategorije potrošača „specijalni potrošač“ na koju je Vlada KS dala saglasnost pod brojem 02-05-26427-4/04 od 08.12.2004. Ovom Odlukom, pored četiri utvrđene kategorije potrošača uvedena je kategorija „specijalni potrošač“ koja daje privrednim društvima koja:

- Godišnje troše 5 miliona kubnih metara gasa
- Gas koriste za odvijanje proizvodno procesa
- Ostvaruju potrošnju u ljetnim mjesecima u istoj ili većoj količini od potrošnje u zimskim mjesecima

Takođe je naglasio da privredni subjekt Toplane Sarajevo godišnje potroše 50 miliona kubnih metara gasa i imajući to u vidu proizilazi da se privredni subjekt Unisi Energetika ne može drugačije svrstati nego kao „veliki potrošač“ te je suština u tome što je privredni subjekt Unis Energetika komercijalno društvo, a privredni subjekt „Toplane“ Sarajevo to nisu, nego su osnovane sa ciljem obavljanja komunalnih djelatnosti.

Analiza relevantnog tržište

U skladu sa članom 3. Zakona i čl. 4. i 5. Odluke o utvrđivanju relevantnog tržišta relevantno tržište se određuje kao tržište određenih proizvoda koji su predmet obavljanja djelatnosti privrednih subjekata na određenom geografskom području.

Relevantno tržište proizvoda obuhvata sve proizvode koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu naročito njihove bitne karakteristike, kvalitet, uobičajnu namjenu, način upotrebe, uslove prodaje i cijene.

Relevantno geografsko tržište obuhvata cjelokupni ili značajan dio teritorije Bosne i Hercegovine na kojoj privredni subjekti djeluju u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuju od uslova konkurencije na susjednim geografskim tržištima.

Relevantno tržište usluga predmetnog postupka je tržište distribucije zemnog gasa.

Relevantno geografsko tržište predmetnog postupka je tržište Kantona Sarajevo budući da privredni subjekti „Sarajevogas“ i Unis „Energetika“ obavljaju djelatnost na teritoriji Kantona Sarajevo.

U skladu sa izloženim Konkurencijsko vijeće je utvrdilo da je relevantno tržište distribucija zemnog gasa na području Kantona Sarajevo.

Postupak utvrđivanja činjenica

Konkurencijsko vijeće u postupku na osnovu dokumentacije prikupljene od privrednog subjekta Unis „Energetika“ i privrednog subjekta „Sarajevogas“ utvrdilo je sljedeće činjenice:

- Podnosilac zahtjeva je registrovan za obavljanje više djelatnosti između kojih je pružanje usluga distribucije i prodaje gasovitih goriva distributivnom mrežom.

-Privredni subjekt KJKP „Sarajevogas“ d.o.o Sarajevo je osnovan od strane Kantona Sarajevo sa ciljem obavljanja komunalnih djelatnosti,

-Privredni subjekt KJKP „Toplane“ d.o.o. Sarajevo je osnovan od strane Kantona Sarajevo za obavljanje distribucije toplote energije kao komunalne djelatnosti.

-Konkurencijsko vijeće u ocjeni dominantnog položaja privrednog subjekta „Sarajevogas“ d.o.o. Sarajevo je uzelo u obzir član 9. stav (2) Zakona, kojim je utvrđeno da privredni subjekt može imati dominantan položaj na tržištu roba ili usluga ako na relevantnom tržištu Bosne i Hercegovine ima učešće veće od 40,0%, i član 4. stav (1) Odluke o definisanju kategorija dominantnog položaja, kojim je utvrđeno da dominantan položaj u pravilu nije zabranjen, ako privredni subjekt svojim postupanjem i djelovanjem ne sprečava, ograničava ili narušava tržišnu konkurenciju.

Konkurencijsko vijeće analizom kriterija utvrđenih u Odluci o utvrđivanju relevantnog tržišta je utvrdilo da privredni subjekt „Sarajevogas“ d.o.o. Sarajevo ima tržišno učešće od 100% na relevantnom tržištu distribucije zemnog gasa u Kantonu Sarajevo, jer jedini ima izgrađenu predviđenu infrastrukturu, te je ocjenilo da privredni subjekt „Sarajevogas“ ima dominantan položaj, odnosno monopol na relevantnom tržištu distribucije zemnog gasa u Kantonu Sarajevo.

- Kanton, Grad ili općina u skladu sa utvrđenim nadležnostima u članu 7., 8. i 9. Zakona o komunalnim djelatnostima obezbjeđuje obavljanje komunalnih djelatnosti putem javnog preduzeća komunalnih djelatnosti i privrednog društva (član 10 . stav 1. Zakona o komunalnim djelatnostima) i samim tim te djelatnosti se tretiraju kao neprofitne djelatnosti, odnosno djelatnosti koje su organizovane u službi građana.

-U skladu sa članom 11. Zakona o komunalnim djelatnostima jednu komunalnu djelatnost, ako za to postoje tehnološki i ekonomski uslovi, istovremeno može obavljati više subjekata koji djeluju posredstvom različitih statusnih i ugovornih oblika, uz saglasnost Kantona, odnosno Grada, odnosno općine u okviru utvrđenih nadležnosti u članu 7., 8. i 9. Zakona i koordinaciju ministarstva nadležnog za komunalne djelatnosti Kantona, odnosno gradskih i općinskih službi za komunalne djelatnosti, u skladu sa ovim zakonom.

-Pod komunalnim djelatnostima podrazumjeva se pružanje komunalnih usluga od interesa za fizička i pravna lica, te finansiranje građenja i održavanje objekata i uređaja komunalne infrastrukture kao cjelovitog sistema na području Kantona, kao i Grada Sarajevo i općina na području Kantona (član 2. Zakona o komunalnim djelatnostima)

-Upravni odbor Sarajevogasa je na prijedlog Vlade Kantona Sarajevo 02.04.2002 godine donio Odluku o utvrđivanju cijene distribucije gasa (službene novine Kantona Sarajevo broj

27/02), a na koju je dala saglasnost Vlada Kantona Sarajevo. Ova Odluka se temelji na Zaključku o prodajnim cijenama gasa po tarifnim grupama i kategorijama, Izvršnog odbora grada Sarajeva još od 06.12.1994. godine.

-Navedenom Odlukom o utvrđivanju cijene distribucije gasa je utvrđeno da se prosječna cijena distribucije gasa diferencira prema kategorijama potrošača i to:

R.B	Kategorija potrošača	Postojeća cijena distribucije gasa	Nove cijene distribucije
1.	Domaćinstva	0,08	0,06
2.	Toplane	0,07	0,07
3.	Mala privreda	0,22	0,24
4.	Veliki potrošači	0,20	0,23

-Članom 23. Zakona o komunalnim djelatnostima je utvrđeno da validnost kalkulacije i konačan prijedlog visine cijene komunalnih usluga utvrđuje nezavisno stručno tijelo Vlade Kantona a stvarnu cijenu komunalnih usluga određuje i usvaja Vlada Kantona što je i privrednom subjektu UNIS „ENERGETIKA“ pojašnjeno aktom Ministarstva prostornog uređenja i zaštite okoliša Kantona Sarajevo.

-Članom 23. stav 7. Zakona o komunalnim djelatnostima je također utvrđeno da ukoliko se cijena komunalne usluge utvrdi u nižem iznosu od stvarne cijene koštanja, razliku sredstava će nadoknaditi Kanton .

- Privredni subjekt „Sarajevogas“ je osnovan od strane Kantona Sarajevo za obavljanje komunalne djelatnosti, kao i privredni subjekt „Toplane“ Sarajevo, iz čega proizilazi da su oni kao komunalna preduzeća osnovani za obavljanje komunalnih djelatnosti koje su u službi građana. Privredni subjekt „Toplane“ Sarajevo plaća nižu naknadu, neekonomsku cijenu, za uslugu distribucije zemnog gasa privrednom subjektu „Sarajevogas“. Kanton Sarajevo privrednom subjektu „Sarajevogas“ nadoknađuje razlike u cijeni po kojoj naplaćuje distribuciju zemnog gasa od privrednog subjekta „Toplane“ Sarajevo.

-Privredni subjekt Unis „Energetika“ se bavi komercijalnom djelatnostima i nema saglasnost od strane Kantona Sarajevo za obavljanje komunalnih djelatnosti u skladu sa članom 10. Zakona o komunalnim djelatnostima, te u skladu sa tim nije uvršten u kategoriju potrošača „toplane“ prema Odluci o utvrđivanju cijene distribucije gasa.

Konkurencijsko vijeće je razmotrilo navedene činjenice, pojedinačno i zajedno, u smislu odredbi Zakona, Odluke o definisanju kategorija dominantnog položaja i Odluke o utvrđivanju relevantnog tržišta, i utvrdilo da:

1.Privredni subjekt „Sarajevogas“ d.o.o. Sarajevo, svojim postupanjem i djelovanjem ne zloupotrebljava dominantan položaj direktnim ili indirektnim nametanjem nelojalnih kupovnih i prodajnih cijena ili drugih trgovinskih uslova kojima se ograničava konkurencija u smislu člana 10. stav (2) tačka a) Zakona. Nelojalnim cijenama se ograničava konkurencija među konkurentima na tržištu, a u predmetnom slučaju privredni subjekt „Sarajevogas“ nema konkurenata,odnosno ima monopol na tržištu distribucije zemnog gasa u Kantonu Sarajevo.

2.Privredni subjekt „Sarajevogas“ svojim postupanjem i djelovanjem također ne zloupotrebljava dominantan položaj primjenom različitih uslova za istu ili sličnu vrstu poslova sa ostalim stranama, čime ih dovodi u neravnopravan i nepovoljan konkurentski položaj na relevantnom tržištu u smislu člana 10. stav (2) tačka c) Zakona jer privredni subjekt „Sarajevogas“ vrši distribuciju zemnog gasa po istim cijenama privrednom subjektu Unis „Energetika“ i privrednom subjektu „Toplane“ Sarajevo.Naime privredni subjekt „Sarajevogas“vrši distribuciju zemnog gasa kako privrednom subjektu „Toplane“ Sarajevo tako i privrednom subjektu Unis „Energetika“ po istim cijenama s tim što razliku u cijeni koju plaća privredni subjekt „Toplane“ Sarajevo kao komunalno preduzeće u skladu sa članom 23. stav 7. Zakona o komunalnim djelatnostima, nadoknađuje Vlada Kantona Sarajevo.

U skladu sa izloženim Konkurencijsko vijeće je donijelo odluku kao što je navedeno u tački 1.dispozitiva ovoga Rješenja.

Troškovi predmetnog postupka

Privredni subjekt Unis“Energetika“ kao podnosilac Zahtjeva za pokretanje postupka, dostavio Konkurencijskom vijeću Zahtjev za naknadu troškova postupka, broj: 01-03-26-040-40-II/09 od 28.04.2010.godine u iznosu 7.350,00 KM, na ime troškova pravnog zastupanja.

Imajuću u vidu da je privredni subjekt Unis „Energetika“ izazvala postupak, na čiju štetu je postupak i okončan, zahtjev za naknadu troškova privrednog subjekta Unis Energetika“ je odbijen kao neosnovan u smislu člana 105. stav 2. Zakona o upravnom postupka.

Pouka o pravnom lijeku

Protiv ovoga Rješenja nije dopuštena žalba.Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

Predsjednik

dr. Stjepo Pranjić